

**Kommunini politikkimi nunalu tamakkerlugu politikkimi angutit arnallu
naligiinnerusumik sinniisoqalernissaat siumut isigaluni qanoq
qulakkeerniarsinnaaneripput pillugu apeqquteqaat aallaavigalugu oqallittoqarnissaanik
siunnersuut.**

(Inatsisartunut ilaasortaq Naaja H. Nathanielsen, Inuit Ataqatigii)

Akissuteqaat

(Ilinniartitaanermut, Ilageeqarnermut, Kultureqarnermut Naligiissitaanermullu
Naalakkersuisoq)

Siullermeerinninneq

Arnat angutillu politikkimi naligiinnerusumik sinniisoqarnissaasa siunissami qanoq
qulakkiissaneripput pillugu oqallinnissamut siunnersuut pillugu siunnersuuteqartoq
qutsavigaara.

Siunnersuuteqartup uparuarpaq isiginiarneqanngitsunik pissaaneqarneq
oqimaaqatigiinngissimassasoq aallartiffissallu ilagiaat suleriaatsit politikkikkut sulinermut
sunniuteqartartut.

Politikkikkut pissaaneqarnerup oqimaaqatigiinnginnera kommuninit kisitsisit tikkussisut
siunnersuuteqartup oqaatigaa. Suaassutsit assigiinnerusukannersumik agguarneqarnissaasa
kissaatiginarnera Naalakkersuisut isumaqatigaat, tassungali peqatigitillugu erseqqissassallugu
assersuutigalugu siulersuisuni ilaasortanik toqqaasarnernut aammalu politikkimi
qinigaaffinnut qanoq inerneqarnissaanik qinersisartut qinersinermikkut
aalajangiiffisartagaannut tunngatillugu naligiissitaaneq assigiinngitsuusoq. Kingullertut
taaneqartumut tunngatillugu Naalakkersuisut isumaqarput ullumikkutut kikkut tamarmik
qinigassangortissinnaanerat naligiissitaanerusoq.

Arnat angutillu politikkimi qinigaaffinni sinniisoqarnissaat pingaaruteqarpoq, tassa angutit
arnallu inuiaqatigiinni suli assigiinngitsunik atuuffeqarmata, taamaammallu politikkimik
suliaqalernermeri assigiinngitsunik misilittagaqrtarlutik ilisimasqaqtarlutillu. Politikkimi
qinigaaffinni assigiinngissuseq tamanna nakuussutaavoq inuiaqatigiinni
inissaqartittussaasarput illersugassarpullu, kisiannili kikkut qinigaanissaat qinersisartut
aalajangertarpaat.

Tassungali peqatigitillugu arnat politikkimik suliaqalernissamik aalajangiisussaagaangata
qangalili atuuffeqarnerit assigiinngitsut marluk sunniuteqartarput, tassa suleriaatsit
politikkimik ingerlatsinermut sunniuteqartartut ilaqtariinnermut sakkortusarsinnaammata.
Taamaammat suleriaatsit taakku nalilersoqqinnejarnissaannik qanorlu iliortuni
naleqqussarneqarnissaannik oqallinnissarput pingaaruteqarpoq, taamaalilluni anaanaaneq,
ataataaneq politikkeriunerlu inissaqarniassammata.

Naalakkersuisut naligiissitaaneq inatsisikkut oqaatigaat inuiaqatigiinni naligiissitaanissaq anguniarneqartoq, taamaammat ajornartorsiutip siunnersuuteqartup saqqummiussaata oqallisigineqarluarnissa pingaaruteqarpoq, maani Inatsisartuniuinnaanngitsoq, aammali nunatsinni partiini peqatigiiffinnilu assigiinngitsuni sammineqartup naleqquffigisaanni.

Taamatut oqaaseqarlunga pitsasumik kinguneqartumillu oqallittoqarnissaanik kissaassivunga.